



## पाठ 13

## कर्साड़

कर्साड़ दन्तेवाड़ा जिला तामाने काल्यान जोड़ान डेरा मन्ता। इद कोण्डे मुत्ते मानी न मयदेन सुकाम त डेरा मन्तऽ। इग कोण्डे रैपत माटा वेहत नेद मन्ता। बेने ओनो कर्साड़ तग पिकी पेकोड़ा सगा चुट्टाम माटा कीन पेसा कितोड़। अवुर वर्स मेटे ओण्डय दम ओण्ड नार दे कर्साड़ बना कीतोर। इग्गऽ पिकी पेकोड़ वेड़कात सग नरका पल्ली पाटा पारी एन्दीतोर। वड़ाट मनाल कर्साड़ पाठ त संग मिवा तेगाम किया काल।



कर्साड़ दन्तेवाड़ा जिला तऽ विड़य वय वेड़कऽ तऽ तिहाड़ मन्ता। कर्साड़ तिहाड़ तगऽ कोण्डे देवाम तऽ पड़य मन्नो। तर्र कुटमतऽ पेनक नऽ मोड़कान पड़य मन्तऽ। वेड़ा कुरटा न पड़य मारोर, मां लेंज ते कर्साड़ तैऽ तिहाड़ वायनेद।

कर्साड़ कियान मयदेन तर्र कुटम तोड़ गुड़ी माटा वेहच अको मामान पेन अकूम ईस पेन कबूड़ लोहतीतोड़ अवुर पेन अकूम देवाम ता बिड़िया सिग्राम मत्तऽ। दुकाम—सुकाम ते नेल्ला आयान मयदे पुटा कीस पेन दग इत्तद अकूम तीन पेन अकूम इन्तोड़। इद अकूम कच्च ते बनेम आता अकूम कबूड़ केन्जी तर मड़ा तोड़ रेण्ड हाट मुन्ने पेन डोल्क एन्दऽ पोयपी कितोड़। दन्तेवाड़ा जिला लोपऽ ते मंगूड़वाड़ दिनाम तून अस्साल मानेम आस कर्साड़ कीतोड़।



दन्तेवाड़ा जिला तोड़ माने, पिल्ला, मुत्ते। कर्साड़ तून बिड़य तिहाड़ मानेम आस। पूना गिस्सी, कुड़ता नेड़ेक अस्सी कर्साड़ दिनाम ते केरदी तोड़। रैत माने किन कर्साड़ तऽ कबूड़ ईवोड़ पेन डोल दऽ लेंग केंजी वात्तोंड़। कर्साड़ वायन मयदेन नल्लोटा डोडा, कुससीड़, अटटी ततीतोड़ आड़ सगा कुटमऽ तोड़ा संग उददी कवस तुली तित्तोड़। अवुर एर्र बुरका ने कोण्डली ने तच्छ उन्टोड़। कर्साड़ तग मुनेटा पेरकेटऽ मुण्डाड़ कोलाड़ ता माटा वेण्ड मांरगी तोंड़। कर्साड़ तगय कोड़याड़ मेहकानेद

इल्लोक अन्ने मेहकनेद पड़य मन्ता। मुन्नेन कर्साड़ तीना के पिकी कीन पोयस वेण्ड ओनूर। इन्जें इद ऊवाट तून आल्सी मायी किया मून्तोर। कोण्डे रयत देवाम, पेन, मात, मावली तून यायो बाबो मानेम आतोर, दुकाम – सुकाम, माल – माता, लोन द्वार त मयदेन इगाय मोड़कीतोर।

कर्साड़ कियान दिना ते दूड़ा – दूड़ा तिना बेड़कऽ तोड़ दुका तोड़ माने सियानिड़ वातोड़। आड़ कर्साड़ एन्दान मुन्ने पेन पुजार तर्र पेन तग मानेम आड़ नाड़ेल इस पोयपी कितोड़। तानऽ पेरके पेन पुजार न मुत्ते पेन मण्डऽ तग मुण्ड उतूली डाकऽ वाटी कोण्डे ते एर्र तोसीतके आदो पेनक नोड़ मोड़की – मोड़की एन्दी कीतोड़। पेन्क न मुन्ने पेन डोल्क अवुर बडडेड़ पिकी पेकोड़ एन्दी तोड़।

मुन्नेन माड़गी लेवऽ अचुड़ चना, पिकी, गिस्सी करसाड़ तग। तवऽ मत्तोड़। इन्जे सरकार माड़गी माड़ ईतान कर्साड़ी नग रंग – रंग ताऽ फुग्गा, पिल्ला कर्सनाव बिड़ाग, तत्तीतोड़। पिल्ला माने मुत्ते कुन्जा बाता – बाता अस्सीता, अवुर पोड़द दायनंद उड़स डोकड़ी पिल्ला मुयतोड़ लोन मल्दीतोड़ा।

पोड़द अत्तऽ पेरके लया लैयौड़ तीन्ज ऊड़ज नरका पल्ली पाटा पारी कर्सीतोंड़। अवुर मय पिडेम आतोड़ कर्साड़ तऽ दूसोर दिनऽ तप इया नेद नीति मिनदे। बाले इतके दन्तेवाड़ा बस्तर ता देवाम आनाल पेन ओगुर ते मन्ज रेंयतऽ मोड़कान माटऽ केन्जीता। कर्साड़ तग सगगऽ मुत्ते माने वेण्ड एन्द नेग पेन देवाम तून आटी तोड़।

अददेन देवाम ओगरा कियान नीति लोपऽ ते नरकोम, कोर्र, पद चलेम आयनेग मेका पूजी मंज कुटमतोड़ कुप गुडी प्रसाद इंजो तित्तोड़। नीति मार तऽ पेरके वत्ताव पेन्कीन विदऽ कियनेद लोप ते, कर्साड़ नार देत पेन अवुर माने आदो पेन्कीन जोहार भेट कीस बिदऽ कितोर। बिद कित्तऽ पेरके एने मर्र पेन अक्कूम ऊदोर मुन्ने – मुन्ने दातोर कुटम तोर पेन कांजी पेया – पेया अपुन नार दातोर। नार अवदाम नाटे ना मुत्ते माने कुप बोड़ी पेन ततान माने ना काल्क नोरपी कितोर अवुर कोर्र पद मेका पूजी तित्तोर। पेन दून मेण्डाश्तग वाटी नरका पल्ली पाटा पारी कर्सीतोड़ दुकाम तोड़ नेल्ला आस पूटा वेण्ड इत्तोड़।

इलकेन जिला लोपते घोटपाल , फरसपाल, रामाराम(सुकमा जिला) , दन्तेवाड़ा , गीदम , बारसूर बेगा—बेगा कर्साड़ मण्डई अयान डेडा मिन्दे । कर्साड़ अयान दिनाते अद नारदग स्कूल छुट्टी मन्ता ।

**करानद अर्** :- दन्तेवाड़ा जिला लोप ते नरगे डेडा नग कर्साड़ कितोर । इद बितोरते पिल्लाकीन संग वेहाट । छत्तीसगढ़ दाव आदो जिला नेग वेण्ड कर्साड़ कितोर । वाना बुध्द वेण्ड इमूट । पिल्लाकीन पूछऽ किमूट कर्साड़ तग माने बाड़ वातोर । नेण्ड मनाल कर्साड़ त बितोर ते पढेम आयकल ।

**माटा गियाना :-**

|            |   |                  |           |   |                |
|------------|---|------------------|-----------|---|----------------|
| पड़य       | — | बूत              | बिड़ाम    | — | बाता पूता      |
| तर्रकुटमऽ  | — | दादाल तमुड़      | माने      | — | मान्जाल        |
| नेड़के     | — | सोन नेड़क        | तुली      | — | वेड़कऽ         |
| काल्पी     | — | मिलेम            | सियान     | — | सरपंच, पटेल    |
| मानेम      | — | कोर्र, पद, मेरका | मण्डऽ     | — | पेन तासान डेडा |
| तल्लऽ पोती | — | पेनपाटाऽ तोर     | माडग      | — | सड़क           |
| रंग—रंग    | — | रकम—रकम          | लया       | — | पिकी           |
| लयौड़      | — | पेकोर            | आनाल      | — | भूत दयाम       |
| देवाम      | — | माता, बरम पेन    | अन्नेमर्र | — | मामा, भाटो     |

**सवाल अवुर कार्या**

**पुत्तद सवाल**

**सवाल :- 1. दोड़ लिकाकित्ताब सवाल ताव उत्तर लिका किन —**

- क. रैपत काल्यान डेडा बेगा ?
- ख. कर्साड़ बेद लेंज ते आत ऽ ?
- ग. कर्साड़ तेग बातऽ डोल्क एन्दीतोर ?
- घ. कर्साड़ एन्दान मुन्ने पुजार बातऽ कितोर ?
- ङ. तल्लऽ पोती अवुर पाटोड बेनोन केतीतोर ?

**सवाल :- 2. आल्सी लिका कीम —**

- क. पेन ओगरा कियाम मानेम बाता ईतोर ?
- ख. इकाड़ ते लया लयोड़ कर्साड़ तग बात कितोर ?
- ग. कर्साड़तिना बाता — बाता बिड़ाम अस्सी तोर ?
- घ. वर्षामेंड ते नारदग बेचोक दम कर्साड़ आतऽ ?

**सवाल :- 3. दोड़ इत्ताव दूड़ऽ लिका नेग निहा –**

क. कर्साड़ तऽ दूसोर दिनऽ पन्कीन ————— कितोर ।

ख. पेन पाटऽ तोन ————— केतीतोर ।

**माटा अवुर व्याकरण :-**

**ऊवाट :-**

पिल्ला रेण्ड बागी ने आस माटा न गियान तमऽ नडमा पुछ किवी अवुर केल्ली । गुरजी पाठ तऽ ओण्ड अराल केच लिका कियनिन केत्तीतोर । पिल्ला अपना – अपना लिका किताव कापी वेन ओन ईस ओपवाव मेहकीर ।

**आल्साट :-**

**सवाल :- 1. माटऽ तऽ मुन्ने “सु” वाटी पूनऽ माटऽ माड़ऽ। ‘सु’ ता गियान नेल्ल। “सुकाम” ईसूतेद ओण्ड माटऽ।**

**सवाल :- 2. नूर माटऽ जोड़ा कीस रेण्ड माटा माड़ऽ। इब्नीन जोड़ाकीस अराल बना कीम। इव अरालकीन पड़ेन अयम—**

क. वय वेंडकऽ ता कर्साडी दन्तेवाड़ा तग आता

ख. सियानीर कर्साड़ ता माटा वेहती तोर ।

पोर्रो टेद अराल तग दन्तेवाड़ा “माटा” ओण्ड जिलऽ तऽ पेदेर । दुसरऽ अराल तग सियानीर “माटा” ओण्ड कुटमात मेयदेन कत्तेद मिन्दे ।

**सवाल :- 3. बेव अय रेन्ड माटाकीन बदलाकीसो , ओण्ड वचन अवुर ज्यादा वचन ते रेहक—रेहक अरालक माड़ाट ।**

**सवाल :- 4. इत्ताव डब्बा नग आदो पेदरी मिन्दे इलेकेन पेदरी मेहकी लिकाकीम—**

|      |      |      |     |    |   |    |    |    |
|------|------|------|-----|----|---|----|----|----|
| द    | न्ते | वा   | ड़ा | मं | ग | ल  | वा | र  |
| अ    | सि   | या   | न   | बु | ध | वा | र  | ना |
| स्सी | अ    | स्सा | ल   | कु | ट | म  | त  | वा |

**पाड़ाट :-**

अपुन नार इल्लोक बेदे वेण्डे भूम संगतऽ शोभऽ तऽ अपुन माटाऽ ते लिखा कीम ।

**बुध्द पेरसाड़ :-**

बेदे वेण्डे ऊड़तेद कर्साड़ ता लिखाकीस कक्षा तग केल्ला ।

